



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

**Beati, Gabriele**

**Augustæ Vindelicorum, 1729**

**VD18 80376800**

39 An ratio famulatus, sit causa sufficienter excusans à legis obligatione.

**urn:nbn:de:hbz:466:1-39888**

## Q V A E S T I O   XXXIX.

*An ratio famulatus, sit causa sufficienter excusans à Legis obligatione.*

C A S V S.

**T**ITIUS, audiens, Canonicum quendam excommunicatum vietandum, indigere famulo, eis sponte se obtulit, & in Diuini Officij recitatione, tanquam socius, inseruiuit. Quæritur; Vtrum mortaliter peccauerit.

## S V M M A R I V M .

- 2 *Famulus, inseruendo Excommunicato vitando, videtur mortaliter peccasse.*
- 3 *Communicatio in diuinis, est materia grauis.*
- 4 *Non debitum seruitutis excusat.*
- 5 *Peccauit obligando se ad inseruendum Excommunicato.*
- 6 *Non tamen deinde, cum illo communicando.*
- 7 *Illi à iure conceditur facultas communandi.*
- 8 *Sicut conceditur etiam Filio, & Vxori.*
- 9 *Et conceditur absolute.*
- 10 *Nec preterea commodum reportat ex suo delicto.*
- 11 *Etiam sine titulo seruitutis, plus, quam venialiter non peccasset.*
- 12 *Ecclesia, secundariò solum, prohibet officij recitationem cum Excommunicato.*
- 13 *Debitum seruitutis, per Domini excommunicationem non tollitur.*
- 14 *Alij, quibus communicatio cum Excommunicato permittitur.*
- 15 *Quibus non permittatur.*
- 16 *Alij, quibus non permittitur.*

## R A T I O N E S   D V B I T A N D I .

**S**icut periculum infamiae, regulariter **2** excusare videtur à legis obligatione; ita ab eodem, aliquando saltem, excusat ratio famulatus; Famulo enim ratione famulatus, communiter licere dicitur, Dominum ad domum meretricis comitari, ibique sternere mensam, ac lectum, parare cibos, mensæ inseruire, & alia huiusmodi obsequia exhibere, quæ sine graui suo incommodo negare non posset, & ad Domini peccatum remotè tantum se habent; Quæritur igitur; An sit ratio sufficiens ad excusandum etiam ab obligatione censuræ. Videtur enim non esse; atque ideo Titium, Canonic excommunicato, inseruendo, mortaliter peccasse. *Nauarrusc. 27. num. 27. Filiiucius tract. 13. c. 6. quæst. 6. num. 117. Suarez de cens. disp. 12. num. 18. & d. 15. sect. 5. num. 13. Sayr. lib. 2. c. 14. num. 15.*

Probatur; Quia Titius communicauit cum Canonicō in Diuinis, & materia non fuit leuis; scut enim in Diuini Officij

Z 2

cij

cij recitatione, committere vnam horam, non est materia leuis, sed sufficiens ad mortale; Ita non erit materia leuis, vnam horam cum Socio priuatim recitare. Ergo multo minus, totum Officium. Quare Officij recitatio, erit materia sufficiens ad mortale.

**4** Neque excusatur à debito seruitutis. Tum quia, hoc debitum contractum est per conuentionem, factam post excommunicationem. Hæc autem conuentio, includit mutuam communicationem, & consequenter censuræ violationem. Tum quia in cap. *Inter alia: de sententia excommunicationis*: significatur, Personas, quibus in cap. *Quoniam multos* 1. quest. 3. Communicatio cum Excommunicato permittitur, illi debito ante excommunicationem obnoxias esse debere. Ergo à contrario, quæ ante excommunicationem, illud debitum non habebant, hoc priuilegio gaudere non poterunt, & consequenter neque communicare cum Excommunicato vitando. Titius autem supponitur, debitum seruitutis cum Canonico contraxisse, solum post eius excommunicationem. Tum denique, quia Vxor communicare non potest cum Marito, si scienter cum illo, post excommunicationem, matrimonium contraxit. Ergo à fortiori, non potest Famulus communicare cum Domino, si post eius excommunicationem, debitum seruitutis contraxit; Sicut enim Vxor priuatur communicatione in poenam, quia contrahendo, fecit contra censuram; ita etiam Famulus, eidein poenæ subiacere debet; quia, contrahendo cum Domino Excommunicato, censuram violauit.

**RESOLVTIO I.**  
**P**robabilis tamen videtur primò; Titium peccasse, obligando se ad inseruendum Canonico Excommunicato vitando; Quia per talem obligationem, violauit Ecclesiæ præceptum ac censuram,

**RESOLVTIO II.**  
**P**robabilis similiter videtur secundò; Titium, quamvis Canonico Excommunicato, etiam sine necessitate, & scienter inseruire coepit, non peccasse tamen communicando cum illo, etiam in Diuini Officij recitatione. *Coninch. disp. 14. d. 12. nu. 129. Aula par. 2. disp. 8. d. 4. Reginald. lib. 32. num. 101. Bonacina disp. 2. qu. 2. pun. 6. §. 2 num. 32. Silvester v. Excomm. 5. num. 4.* & alij apud istos.

Primo; Quia in cap. *Quoniam multos*; à Gregorio absolutè, & sine vllà conditio-  
ne, Filijs, Seruis, Ancillis, & alijs Subditis, conceditur facultas, communicandi cum suis Patribus, Dominis &c.  
modo hæc communicatio non fiat in cri-  
mine criminoso, siue in crimen, propter  
quod delinquens, est Excommunicatus,  
vel cum periculo, aut propriae subuersio-  
nis, aut perseverantiae Excommunicati in  
suā contumaciā, ibique redditur pro ra-  
tione; Quia isti, non sunt adeo Curia-  
les, vt eorum consilio, huiusmodi faci-  
nora, à Domino perpetrentur. Hæc au-  
tem ratio valet siue Serui ante, siue post  
Domini excommunicationem, debitum  
seruitutis cum eo contrixerint. Neque  
in eo cap. distinguitur de Famulis, qui  
Domino, ante, vel post excommunicatio-  
nem, inseruire coeperunt; Vbi autem lex  
non distinguit, nec nos distinguere de-  
bemus.

Secun.

**8 Secundò;** Quia Filius, siue naturalis, siue illegitimus, communicare potest cum Patre, quamvis genitus tempore, quo Pater erat excommunicatus; Et Vxor cum Marito, quamvis cum eo post excommunicationem contraxerit. Ergo etiam Famulus communicare poterit cum Domino, quamvis contractum seruitatis, tempore excommunicationis, cum eo inierit; sicut enim, quamvis Vxor, matrimonium scienter contrahendo cum excommunicato vitando, peccauerit, & minorem excommunicationem incurrit, Matrimonium tamen sicut validum, & consequenter peperit vinculum Matrimoniale, cui est annexum ex iure priuilegium communicandi cum Marito Excommunicato. Ita, quamvis Titius peccauerit, contractum seruitatis scienter celebrando cum Canonico Excommunicato vitando, ideoque minorem excommunicationem incurrit, *ex cap. Statuimus: de sent. Excom. Contractus tamen, sicut validus, ex eo que ortum est debitum seruitutis, cui ex cap. Quoniam: est annexum priuilegium communicandi cum Dominino Excommunicato.*

Neque dicí potest, huic debito esse annexum priuilegium communicandi cum Excommunicato, solum quando est contractum, vel ante Domini Excommunicationem, vel post eam, bona fide, aut necessitate cogente.

Nam priuilegium, in iure conceditur huic debito absolute; sicut infirmitati conceditur, vt excusat ab assistentiā in Choro; & impotentiā, vt excusat ab Officij recitatione. Sicut ergo infirmitas, semper excusat ab assistentiā in Choro, siue sit contracta culpabiliter; v. g. ex

intemperantia; siue inculpabiliter ex aliquo accidenti. Et impotentiā excusat ab Officij recitatione, siue orta sit ex proiectione breuiarij in mare, siue ex eiusdem amissione inculpabili; Ita debitum seruitutis, trahit secum priuilegium communicandi cum Domino Excommunicato, siue contractum fuerit ante Domini excommunicationem, siue post illam.

Neque inferri potest ex hoc; Delinquentem sic reportare commodum ex suo delicto. Nam, in hoc casu, commodum non reportatur ex delicto; sed ex iure positivo, seruituti hoc priuilegium concedente: sicut, cum quis projicit breuiarium in mare, vel ex intemperantia contrahit infirmitatem, non reportat propriè commodum ex suo delicto, sed ex iure naturae, quod non obligat ad impossibile; Et ex iure positivo, quod infirmos excusat ab assistentiā in Choro.

**Tertiò;** Quia, Quamvis Titius nullum habuisset debitum seruitutis cum Canonico, adhuc tamen, illi inseruendo in Officij recitatione, non peccasset plusquam venialiter. Tum quia Ecclesia, directe, ac principaliter prohibet solum communicationem solemnem in diuinis, non autem priuatam, qualis fuit Communicatio Titij cum Canonico. Tum etiam quia, cum, Excommunicato vitando prohibitum non sit, orare, sicut est prohibitum audire Sacrum, & Diuinis Officijs interesse, sed solum, ne recitet cum alio; sequitur, hanc communicationem, quando est priuata, non esse materiam grauem, nec directe, ac primario prohibitam ideoque nec sufficiemt ad mortale.

## OBJECTIONVM SOLVTIO.

**13** Neque obstant rationes in contrarium;  
Nam ad primam Respondetur; Disparitatem esse, quia Ecclesia, sicut primo, & directe præcipit recitationem totius Officij, ita primo, & directe præcipit recitationem vnius horæ tanquam eius partenī notabilem. At Ecclesia, primo, & directe non prohibet Excommunicato recitationem Diuini Officij cum alio, quando est priuata, sed solum secundario, & indirecte; ideoque non grauiter, sed solum leuiter, ac sub veniali. Prohiberet autem grauiter, si recitatio esset solemnis, quia esset communicatio solemnis in diuinis; & hanc Ecclesia directe, ac grauiter prohibet.

**14** Ad confirmationem Respondetur; in cap. *Inter alia*; Solum declarati, quod debitum seruitutis, contractum cum Donino ante eius excommunicationem, per excommunicationem non dissoluitur; nihilque ibi statui de debito contracto post excommunicationem. Cum ergo aliunde in cap. *Quoniam multos*; absolute Famulis cuncedatur facultas communicandi cum Domino Excommunicato; ut poterunt Famuli hac facultate, siue debitum seruitutis contraxerint ante Domini excommunicationem, siue post illam, Idemque prorsus dicendum est de Vxore respectu Mariti Excommunicati. Vnde falsum est, ipsam priuari priuilegio communicandi cum Marito in pœnam; quando Matrimonium scienter contraxit, post Mariti excommunicationem; nullibi enim habetur ius, hanc pœnam imponens. Et quamuis violauerit censuram, Matrimonium contrahendo; pœna ta-

men huic delicto imposita, non est reuocatio facultatis communicandi cum Marito Excommunicato; sed minor Excommunicato.

## COROLLARIA.

**C**olligitur ex dictis primo, etiam Miles in bello communicare posse, cum Duce excommunicato vitando; Religiosos professos, imo etiam Nouitios, obediere posse suis Superioribus excommunicatis; Pupilos, agere posse cum Tutori, quandiu sunt sub illius cura, ac tutela, in ijs praesertim, quæ ad Tutelæ munus pertinent; Clericos, dum sunt in Episcopi famulatu, eidem Excommunicato inseruire posse etiam in Diuinis, cum eo Missam audiendo, aut missæ inseruendo; quia in cap. *Quoniam multos*. Privilium communicandi cum Excommunicato vitando; absolute conceditur omnibus habentibus titulum subiectionis. Hi autem omnes, habent hunc titulum. *Coninch. disp. 14. dist. 12. num. 129.*

Secundo; Vnum Seruum, per se loquendo, communicare non posse cum alio Seruo Excommunicato vitando, nec vnum fratrem, cum alio; quia unus non est alteri subiectus; ideoque nec gaudere potest priuilegio; cap. *Quoniam multos*. Communicare tamen possunt per accidentem, quatenus eidem Domino inseruire debent, vel cum eodem Patre habitare, quæ sine communicatione fieri non possunt. *Suarez disp. 15. sect. 5. num. 23.*

Tertio; Filios spirituales, communicare non posse cum Patribus Spiritualibus excommunicatis vitandis. Tum quia hi, nullo iure, excusat. Tum quia, nulla datur



datur necessitas, quæ illos eximat, Si-  
militer nec Vasallos cum suis Principibus  
Temporalibus. Tum quia hi, nullo iure,  
à communi obligatione eximuntur,  
imo in cap. Nos Sandorum. 15. qu. 6.  
Communicatio illis specialiter prohibe-  
tur. Tum quia, nulla datur necessitas  
illos excusans.

Denique neque Filium, quamvis sit 18  
Parochus; ministrare posse Sacra-  
menta Patri excommunicato vitando, nec  
coram eo Diuina facere; quia hæc  
Communicatio illi non competit ratio-  
ne subiectionis. Sayrus lib. 2. cap. 22.  
num. 3.

## Q V A E S T I O X L .

*An iusta excommunicatio, à pœna Legis excusat.*

C A S V S .

**C**ANONICVS quidam, cum propter enormem Clerici percussio-  
nem, in excommunicationem incidisset, nouem mensibus à  
Choro abesse compulsus est; ipso tamen interim, satisfacta parte,  
absolutionem procurante; Post obtentam autem absolutionem, petijt  
distributiones, illis nouem mensibus respondentes. Quaritur: Vtrum  
illi sint debitæ.

## S V M M A R I V M .

- 2 Excommunicatio, non videtur legitimum  
impedimentum Choro non asſistendi.
- 3 Excommunicatus, commodum reporta-  
ret ex suo delicto.
- 4 Et excusaretur, etiam si absolutionem  
non procuraret.
- 5 Videtur etiam legitimum impedimentum.
- 6 Sicut censetur impedimentum legiti-  
mum Sacrum audiendi.
- 7 Nec Ecclesia obligat ad absolutionem  
procurandam, ut precepto satisfiat.
- 8 Et sicut infirmitas, est legitimum im-  
pedimentum.
- 9 Quamvis absentia à Choro, sit pœna.
- 10 Sic absens commodum reportaret ex iu-  
repositiōne.
- 11 Absolutionem non procurans, est volan-  
tariè impeditus.
- 12 Si Iudicis sententia expectanda est, Ex-  
communicato absenti sunt debitæ di-  
stributiones.
- 13 Fuit per excommunicationem legitimè  
impeditus, sicut fuisset per infirmita-  
tem.
- 14 Absolutè tamen, non sunt debite.
- 15 Priuatio distributionum, est pœna ad ex-  
communicationem ipso iure consequens.
- 16 Detenus in carcere, censetur legitimè  
impeditus.
- 17 Etiam Excommunicatus toleratus, di-  
stributionibus priuatur.
- 18 Etiam suspensus, vel Interdictus à Di-  
uinis.

19 Ab